

UNIVERZITET U TUZLI

Pravni fakultet

INOVIRANI STUDIJSKI PROGRAM

I CIKLUS STUDIJA

(sa primjenom od akademske 2018/2019. godine)

Muhameda Hevaija Uskufija br. 7, 75 000 Tuzla

tel: +387 35 25 06 57 i +387 35 25 06 58

fax: +387 35 25 06 57

web: www.pf.untz.ba

OPĆI DIO

I Stručni i akademski naziv i stepen koji se stiče završetkom studija I ciklusa

Član 1.

Završetkom studija I ciklusa student stiče stručno zvanje **bachelor prava**. Uz diplomu studentu se izdaje i Dodatak diplome (Supplement).

II Uslovi i upis na studijski program

Član 2.

Pravo učešća na Konkursu imaju kandidati državljani Bosne i Hercegovine, strani državljani i lica bez državljanstva sa završenom srednjom školom u četverogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

Pravo učešća na Konkursu imaju i kandidati sa završenom srednjom stručnom školom, ukoliko su stekli dopunsko obrazovanje iz općeobrazovnih predmeta u gimnaziji ili srednjoj tehničkoj i srodnoj školi.

Klasifikacija i izbor kandidata za upis vrši se na osnovu rezultata prijemnog ispita i drugih kriterija u skladu sa procedurama koje utvrđuje Senat Univerziteta u Tuzli, imajući u vidu promovisanje i osiguranje jednakih mogućnosti i jednakog pristupa visokom obrazovanju za sve studente.

III Naziv i ciljevi studijskog programa

Član 3.

Nastavni plan i program I ciklusa studija urađen je u skladu sa obavezama Pravnog fakulteta da redovno inovira Nastavne planove i programe, u skladu sa novim zahtjevima na tržištu po pitanju pravne struke. Nastavni plan i program prilagođen je zahtjevima sadržanim u važećim opštim pravnim aktima, prvenstveno u Zakonu o visokom obrazovanju, kao i u Standardima i normativima visokog obrazovanja Tuzlanskog kantona kojima se reguliše visoko obrazovanje na području Tuzlanskog kantona, što podrazumijeva potpuno prilagođavanje Bolonjskim principima i novom sistemu organizovanja nastave i kontinuiranog ocjenjivanja studenata. S obzirom da su se ispunili formalni uvjeti za inoviranje Nastavnog plana i programa koji je u primjeni od akademske 2016/2017 godine, a u cilju unapređenja kompetencija i vještina studenata kako bi se još adekvatnije odgovorilo zahtjevima pravne struke, to se pristupilo inoviranju i podizanju kvaliteta Nastavnog plana i programa. Temeljna svrha inoviranja Nastavnog plana i program jeste implementacija novih tehnika učenja i podučavanja u cilju njihovog efikasnog korištenja tokom planiranja predavanja, redionica i seminara. Navedeno se odnosi na uvođenje prakse iz određenih pravnih područja na način da su uvedeni novi izborni predmeti u vidu pravnih klinika kako bi studenti poboljšali i unaprijedili svoje kompetencije te stekli praktična znanja i vještine koje su neophodne za samostalno obavljanje buduće profesije. Pored uvođenja novih nastavnih predmeta, u inoviranom Nastavnom planu i programu promijenjeno je i opterećenje studenata na predmetima Upravno pravo (3+2+0 6 ECTS) i Upravno procesno pravo (3+2+0 6 ECTS) koje

sada iznosi Upravno pravo (4+1+0 6 ECTS) i Upravno procesno pravo (4+1+0 6 ECTS), te izmijenjena, odnosno dopunjena literatura iz određenih nastavnih programa/silabusa kako bi se pratile aktualnosti u oblasti pravne nauke. Pored toga, predlaže se uvođenje edukacijskih putovanja i posjeta, u oblastima gdje se to čini primjerenim.

Studenti slušaju dvije grupe predmeta (obavezni i izborni) čijim polaganjem ostvaruju različit broj ECTS. Primjena inoviranog Nastavnog plana i programa otpočela bi od školske 2018/2019. godine.

Ciljevi studijskog programa su slijedeći:

- Sposobnost kritičkog razmišljanja u oblasti pravne nauke,
- Razvijanje kreativnosti i inventivnosti u rješavanju konkretnih problema pravne prirode,
- Razvijanje sklonosti timskom radu,
- Spremnost za cjeloživotno učenje,
- Vještine razumijevanja stručne literature i njene primjene u praksi,
- Vještine obavljanja poslova u javnom interesu, općem dobru i jednakosti,
- Podizanje kvaliteta studija u skladu sa važećim međunarodnim standardima,
- Adekvatno povezivanje nauke i prakse, te afirmacija praktičnih znanja i vještina
- Osposobljavanje za rješavanje pravnih pitanja koja se javljaju u praktičnom radu
- Upoznavanje sa metodama i tehnikama istraživanja u oblasti pravne nauke,
- Sposobnost pisanja stručnih istraživačkih izvještaja,
- Sposobnost osmišljavanja jednostavnih programa i projekata,
- Sklonost ka istraživanju i istraživačkom radu,
- Sposobnost obavljanja zadataka rukovodnog karaktera,
- Sposobnost razmjene informacija, ideja, problema i rješenja.

IV Trajanje I ciklusa i ukupan broj ECTS bodova

Član 4.

Prvi ciklus studija traje četiri godine (8 semestara) i vrednuje se sa 240 ECTS bodova. Studijska godina se organizuje u dva semestra (zimski i ljetni), od kojih svaki ima 15 nastavnih sedmica.

V Kompetencije i vještine koje se stiču kvalifikacijom (diplomom)

Član 5.

- Stručno-profesionalna znanja, sposobnost i vještine, te generičke kompetencije etičnost, moralnost, analitičnost, komunikacijske sposobnosti i dr.),
- Definisane i pojašnjenje temeljnih državno-pravnih instituta, kao i pravnih koncepata i teorija,
- Praktično apliciranje neophodnih teorijskih znanja iz oblasti pravne nauke na konkretne probleme u praksi,
- Samostalnost planiranja i organizacije,
- Znanje stranog jezika,
- Elektronska pismenost,

- Sposobnost rada u međunarodnom okruženju,
- Sposobnost za timski rad,
- Sposobnost komuniciranja sa ne-ekspertima iz drugih oblasti,
- Sposobnost obavljanja pravnih poslova vezanih za državno-pravne poslove, imovinsko-pravne, krivično-pravne i slične poslove,
- Sposobnost za obavljanje pomoćnih poslova na sudovima, kod advokata, tužitelja, te razne pravne poslove u organima uprave, u javnom sektoru, zdravstvu, školstvu, bankama i drugim firmama i ustanovama,
- Sposobnost za obavljanje pravnih poslova usmjerenih na poslovno pravo u raznim proizvodnim i trgovinskim firmama, bankama, osiguranjima, privrednim komorama, kao i u sudovima i kod advokata uz usmjerenje na poslovno pravo i sporove vezane za poslovne i radne sporove,
- Samostalno vođenje upravnog postupka, obrada i izrada svih pravnih akata i obnašanje drugih pravnih poslova u organima državne uprave i lokalne uprave,
- Pružanje pravne pomoći strankama.

VI Uslovi prelaska sa drugih studijskih programa u okviru istih ili srodnih oblasti studiranja

Član 6.

Studentu Univerziteta se može omogućiti prelazak sa jednog studijskog programa na drugi studijski program pod uslovima i postupku utvrđenim Pravilima studiranja na I ciklusu studija na Univerzitetu u Tuzli.

Član 7.

Studentu drugog Univerziteta može se omogućiti prelazak sa srodnih akreditovanih univerzitetskih studijskih programa na studijski program Pravnog fakulteta Univerziteta u Tuzli, pod uslovima i postupku utvrđenim Pravilima studiranja na I ciklusu studija na Univerzitetu u Tuzli i Listom srodnih studijskih programa za odobravanje prelazaka studenata sa drugih univerziteta, odnosno srodnih studijskih programa Univerziteta u Tuzli.

**VI LISTA OBAVEZNIH I IZBORNIH PREDMETA I BROJ SATI POTREBAN
ZA NJIHOVU REALIZACIJU, TE PRIPADAJUĆI BROJ ECTS BODOVA**

I (PRVA) GODINA	ZIMSKI SEMESTAR			LJETNI SEMESTAR		
	P¹	A²	ECTS	P	A	ECTS
Predmet						
Teorija države	4	1	6	–	–	–
Rimsko pravo	4	2	6	–	–	–
Državno pravni razvitak BiH	4	1	6	–	–	–
Demokratija i ljudska prava	4	1	6	–	–	–
Sociologija	2	0	4	–	–	–
<i>Tjelesni i zdravstveni odgoj I</i>	0	2	0	–	–	–
Ukupno obaveznih	18	5	28	–	–	–
Stručni izborni predmet ³	2	0	2	–	–	–
UKUPNO ECTS	–	–	30	–	–	–

Teorija prava	–	–	–	4	1	6
Bosanskohercegovačko komparativno pravo	–	–	–	4	1	6
Komparativna pravna historija	–	–	–	4	2	6
Uvod u sistem građanskog prava	–	–	–	4	1	6
Osnovi ekonomije	–	–	–	2	0	4
<i>Tjelesni i zdravstveni odgoj II⁴</i>	0	2	0	–	–	–
Ukupno obaveznih	–	–	–	18	5	28
Stručni izborni predmet ⁵	–	–	–	2	0	2
UKUPNO ECTS	–	–	–	–	–	30

Stručni izborni predmeti	ZIMSKI SEMESTAR			LJETNI SEMESTAR		
Predmet	P	A	ECTS	P	A	ECTS
Pravo lokalne samouprave	2	0	2	–	–	–
Organizacija vlasti u pluralnim društvima	2	0	2	–	–	–
Pravne kodifikacije predmodernog doba	2	0	2	–	–	–
Kolektivna prava u multikulturalnim društvima	2	0	2	–	–	–
Kancelarijsko poslovanje s poslovnom administracijom	–	–	–	2	0	2
Legitimitet državne vlasti	–	–	–	2	0	2
Političke teorije	–	–	–	2	0	2
Političke stranke i moderna država	–	–	–	2	0	2
Moderne pravne kodifikacije	–	–	–	2	0	2

¹ P - Predavanja

² A – Auditorne vježbe

³ Od navedenih predmeta u datom semestru, studentima se nudi odgovarajući broj predmeta, u skladu sa važećim Standardima i normativima VO TK-a, pri čemu su obavezni izabrati jedan.

⁴ Vježbe iz Tjelesnog odgoja se ne ubrajaju u fond sati koji predstavlja sedmično opterećenje studenta.

⁵ Od navedenih predmeta u datom semestru, studentima se nudi odgovarajući broj predmeta, u skladu sa važećim Standardima i normativima VO TK-a, pri čemu su obavezni izabrati jedan

II (DRUGA) GODINA	ZIMSKI SEMESTAR			LJETNI SEMESTAR		
	P	A	ECTS	P	A	ECTS
Predmet						
Građansko pravo	4	1	6	–	–	–
Krivično pravo – opći dio	4	1	6	–	–	–
Ustavno pravo	4	1	6	–	–	–
Bračno pravo	4	1	6	–	–	–
Ekonomska politika	3	0	4	–	–	–
Ukupno obaveznih	19	4	28	–	–	–
Stručni izborni predmet ⁶	2	0	2	–	–	–
UKUPNO ECTS	–	–	30	–	–	–
Stvarno pravo	–	–	–	4	1	6
Krivično pravo – posebni dio	–	–	–	4	1	6
Ustavne institucije	–	–	–	4	1	6
Roditeljsko i starateljsko pravo	–	–	–	4	1	6
Nasljedno pravo	–	–	–	2	1	4
Ukupno obaveznih	–	–	–	18	5	28
Stručni izborni predmet ⁷	–	–	–	2	0	2
UKUPNO ECTS	–	–	–	–	–	30

Stručni izborni predmeti	ZIMSKI SEMESTAR			LJETNI SEMESTAR		
	P	A	ECTS	P	A	ECTS
Predmet						
Zemljišno knjižno pravo	2	0	2	–	–	–
Kriminologija	2	0	2	–	–	–
Imovinski odnosi bračnih partnera	2	0	2	–	–	–
Sistemi revizije ustava	2	0	2	–	–	–
Diplomatika i heraldika BiH	2	0	2	–	–	–
Prava djeteta	2	0	2	–	–	–
Kriminalistika	–	–	–	2	0	2
Alternativno rješavanje sporova	–	–	–	2	0	2
Osnove federalizma	–	–	–	2	0	2
Sistemi evidentiranja nekretnina	–	–	–	2	0	2
Država i globalizacija	–	–	–	2	0	2
Mediji i ljudska prava	–	–	–	2	0	2

⁶ Od navedenih predmeta u datom semestru, studentima se nudi odgovarajući broj predmeta, u skladu sa važećim Standardima i normativima VO TK-a, pri čemu su obavezni izabrati jedan.

⁷ Od navedenih predmeta u datom semestru, studentima se nudi odgovarajući broj predmeta, u skladu sa važećim Standardima i normativima VO TK-a, pri čemu su obavezni izabrati jedan.

III (TREĆA) GODINA	ZIMSKI SEMESTAR			LJETNI SEMESTAR		
	P	A	ECTS	P	A	ECTS
Predmet						
Obligaciono pravo – opći dio	4	1	6	–	–	–
Krivično procesno pravo – opći dio	4	1	5	–	–	–
Međunarodno javno pravo – opći dio	3	1	5	–	–	–
Radno i socijalno pravo	4	1	6	–	–	–
Finansije i finansijsko pravo	3	1	6	–	–	–
Ukupno obaveznih	18	5	28	–	–	–
Stručni izborni predmet ⁸	2	0	2	–	–	–
UKUPNO ECTS	–	–	30	–	–	–

Obligaciono pravo – posebni dio	–	–	–	4	1	6
Krivično procesno pravo – posebni dio	–	–	–	4	1	5
Međunarodno javno pravo – posebni dio	–	–	–	3	1	6
Sigurnosne studije	–	–	–	3	1	5
Savremeni pravno – politički sistemi	–	–	–	4	1	6
Ukupno obaveznih	–	–	–	18	5	28
Stručni izborni predmet ⁹	–	–	–	2	0	2
UKUPNO ECTS	–	–	–	–	–	30

Stručni izborni predmeti	ZIMSKI SEMESTAR			LJETNI SEMESTAR		
Predmet	P	A	ECTS	P	A	ECTS
Penologija	2	0	2	–	–	–
Uvod u pravo Evropske unije	2	0	2	–	–	–
Pravna medicina	2	0	2	–	–	–
Međunarodno ugovorno pravo	2	0	2	–	–	–
Njemački jezik za pravnike I	1	1	2	–	–	–
Engleski jezik za pravnike I	1	1	2	–	–	–
Prava ličnosti	2	0	2	–	–	–
Savremene koncepcije vladavine prava	–	–	–	2	0	2
Potrošačko pravo	–	–	–	2	0	2
Evropsko privatno pravo	–	–	–	2	0	2
Interlokalni sukob zakona	–	–	–	2	0	2
Međunarodno humanitarno pravo	–	–	–	2	0	2
Engleski jezik za pravnike II	–	–	–	1	1	2
Njemački jezik za pravnike II	–	–	–	1	1	2
Međunarodno krivično pravo	–	–	–	2	0	2
Pravo socijalne sigurnosti	–	–	–	2	0	2
Sociologija genocida	–	–	–	2	0	2

⁸ Od navedenih predmeta u datom semestru, studentima se nudi odgovarajući broj predmeta, u skladu sa važećim Standardima i normativima VO TK-a, pri čemu su obavezni izabrati jedan.

⁹ Od navedenih predmeta u datom semestru, studentima se nudi odgovarajući broj predmeta, u skladu sa važećim Standardima i normativima VO TK-a, pri čemu su obavezni izabrati jedan.

		ZIMSKI SEMESTAR	LJETNI SEMESTAR				
IV (ČETVRTA) GODINA							
Predmet	P	A	ECTS	P	A	ECTS	
Građansko parnično procesno pravo	4	1	6	-	-	-	
Međunarodno privatno pravo	4	1	6	-	-	-	
Pravo privrednih društava	4	1	6	-	-	-	
Upravno pravo	4	1	6	-	-	-	
Metodologija društvenih i pravnih istraživanja	2	1	4	-	-	-	
Ukupno obaveznih	18	5	28	-	-	-	
Stručni izborni predmet ¹⁰	2	0	2	-	-	-	
UKUPNO ECTS	-	-	30	-	-	-	
Građansko vanparnično i izvršno procesno pravo	-	-	-	4	1	6	
Međunarodno procesno privatno pravo	-	-	-	4	1	6	
Ugovorno privredno pravo	-	-	-	4	1	6	
Upravno procesno pravo	-	-	-	4	1	6	
Međunarodno privredno pravo	-	-	-	3	0	4	
Ukupno obaveznih	-	-	-	18	5	28	
Stručni izborni predmet ¹¹	-	-	-	2	0	2	
UKUPNO ECTS	-	-	-	-	-	30	
Stručni izborni predmeti		ZIMSKI SEMESTAR	LJETNI SEMESTAR				
Predmet	P	A	ECTS	P	A	ECTS	
Arbitražno pravo	2	0	2	-	-	-	
Pravo konkurencije	2	0	2	-	-	-	
Prekršajno pravo	2	0	2	-	-	-	
Pravo industrijske svojine	2	0	2	-	-	-	
Službeničko pravo	2	0	2	-	-	-	
Engleski jezik za pravnike III	1	1	2	-	-	-	
Njemački jezik za pravnike III	1	1	2	-	-	-	
Pravo vrijednosnih papira	2	0	2	-	-	-	
Terorizam i međunarodna sigurnost	2	0	2	-	-	-	
Pravna klinika iz krivičnog procesnog prava	1	1	2	-	-	-	
Oratorstvo	1	1	2	-	-	-	
Savremeni međunarodni odnosi	-	-	-	2	0	2	
Pravo zajedničkog tržišta EU	-	-	-	2	0	2	
Stečajno pravo	-	-	-	2	0	2	
Engleski jezik za pravnike IV	-	-	-	1	1	2	
Njemački jezik za pravnike IV	-	-	-	1	1	2	
Autorsko pravo	-	-	-	2	0	2	
Upravni sistemi	-	-	-	2	0	2	
Međunarodno ekološko pravo	-	-	-	2	0	2	
Viktimologija	-	-	-	2	0	2	
Evropska unija u međunarodnom pravu	-	-	-	2	0	2	
Medicinsko pravo	-	-	-	2	0	2	
Pravna klinika iz međunarodnog procesnog privatnog prava	-	-	-	1	1	2	
	-	-	-	1	1	2	

¹⁰ Od navedenih predmeta u datom semestru, studentima se nudi odgovarajući broj predmeta, u skladu sa važećim Standardima i normativima VO TK-a, pri čemu su obavezni izabrati jedan.

¹¹ Od navedenih predmeta u datom semestru, studentima se nudi odgovarajući broj predmeta, u skladu sa važećim Standardima i normativima VO TK-a, pri čemu su obavezni izabrati jedan.

1. Način izbora predmeta iz drugih studijskih programa

Izborne predmete biraju studenti putem ankete, koja se provodi prije početka svakog semestra. Studentima se, u skladu sa važećim pravnim aktima, omogućava biranje između više izbornih predmeta. Studenti se opredjeljuju za jedan društveni predmet koji se nalazi u aktuelnim nastavnim planovima i programima nekog od fakulteta Univerziteta u Tuzli (u istoj/tekućoj školskoj godini u kojoj na Pravnom fakultetu pohađa dati semestar), a u sklopu Liste takvih predmeta koju utvrdi Senat Univerziteta. Takav predmet slušaju, prisustvuju vježbama, prijavljuju i polažu na odnosnom fakultetu, ili (u skladu sa mogućnostima) predavanja, vježbe i ispiti se organizuju na Pravnom fakultetu. Osnov za priznavanje tako položenog ispita na Pravnom fakultetu jeste, uz upisanu ocjenu u indeksu, propisno popunjena i potpisana prijava o položenom ispitu.

2. Uslovi upisa u sljedeći semestar, odnosno narednu godinu studija, te način završetka studija

Student može prenijeti u narednu godinu studija, unutar trajanja I ciklusa, najviše 10 (deset) ECTS bodova ili najviše 2 (dva) predmeta, ukoliko zajedno nose više od 10 (deset) ECTS bodova, osim ukoliko je studijskim programom uvjetovano da određeni nastavni predmeti moraju biti prethodno položeni.

3. Način izvođenja studija

Studij I ciklusa na Pravnom fakultetu Univerziteta u Tuzli organizovan je kao redovni studij, u skladu sa rasporedom predavanja. Pri tome vodeći računa da raspored bude prihvatljiv za sve kategorije studenata (uključujući, ali se ne ograničavajući na studente sa posebnim potrebama, studente koji dolaze iz udaljenih područja, studente koji su u radnom odnosu i dr.)

4. Uslovi nastavka studija

Nakon završetka I ciklusa studija ovog studijskog programa moguće je nastaviti II ciklus studijskog programa na pravnim fakultetima ili na nekom drugom fakultetu iz grupacije društvenih nauka.

VII Opis studijskog programa

1. Obim studijskog programa

Obim studijskog programa koji se izvodi u jednom semestru na I ciklusu studija iznosi 30 ECTS bodova, a za cijelu akademsku godinu 60 ECTS bodova. Da bi uspješno završio dodiplomski studij, student mora sakupiti u toku I ciklusa dodiplomskog studija ukupno 240 ECTS bodova. Nakon završenog dodiplomskog studija, pod određenim uslovima u skladu sa Statutom i Pravilima Univerziteta u Tuzli i odlukom Senata, moguć je nastavak studija u II ciklusu – *postdiplomski studij*, u trajanju od jednu godinu, odnosno dva (2) semestra i to: I i II semestr, unutar ponuđenih užih naučnih oblasti.

Obim studijskog programa koji se izvodi u jednom semestru na II ciklusu je 30 ECTS studijskih bodova, odnosno 60 ECTS bodova, što ukupno za I i II ciklus studija iznosi 300 ECTS bodova.

Kada je riječ o III ciklusu studija – *doktorski studij* isti je organizovan u trajanju od tri godine, odnosno šest (6) semestara i to: od I do VI semestra. Obim studijskog programa koji se izvodi u jednom semestru na III ciklusu studija je 30 ECTS bodova, a za cijelu akademsku godinu iznosi 60 ECTS bodova. Da bi uspješno završio doktorski studij student mora sakupiti u toku III ciklusa ukupno 180 ECTS bodova, odnosno ukupno za I, II i III ciklus studija 480 ECTS bodova.

Cilj koji se namjerava postići primjenom Nastavnog plana i programa I ciklusa studija jeste da se upisanim studentima omogući sticanje znanja i neophodnih osnova iz određenih nastavnih jedinica i užih naučnih oblasti. Nadalje, primarni cilj je i da se kod studenata razviju određene vještine, koje će im pomoći u procesu razvoja odgovarajućeg teorijskog, kritičkog, historijskog i nadasve praktičnog poimanje prava u BiH i zemljama Europske unije.

Studij I ciklusa studija se organizira i izvodi prema utvrđenom Nastavnom planu i programu kao savremen studij, primjeren mogućnostima i interesima upisanog studenta, kompatibilan potrebama državnih organa i institucija pravosuđa, te potrebama poslodavaca, usporediv sa srodnim programima pravnih fakulteta u BiH, te sa vodećim i dobro razvijenim pravnim fakultetima u zemljama europskog prostora visokog obrazovanja.

2. Nastavne oblasti ili moduli

Studij I ciklusa se organizira kao osnovni ili temeljni studij u nekoliko užih naučnih oblasti, i to: „**DRŽAVNO I MEĐUNARODNO JAVNO PRAVO**“, „**KOMPARATIVNA PRAVNA HISTORIJA I KOMPARATIVNO PRAVO**“, „**GRAĐANSKO-PRAVNA**“, „**KRIVIČNO-PRAVNA**“, i „**UPRAVNO-PRAVNA**“ oblast, pri tome se nastavna materija prezentira postupno od jednostavnijih ka složenijim temama.

S obzirom da je nastavna materija međusobno sadržinski povezana u okviru iste nastavne oblasti ili modula, to se očekuje da je student istu savladao prelaskom iz niže studijske godine u višu. Svaki predmet je postavljen autonomno u odnosu na druge predmete, pa se u njihovom ukupnom savladavanju u zbiru svih predmeta za svaki semestar nalazi i temeljni uslov za upisivanje narednog (višeg semestra studija).

Ukoliko student I ciklusa studija ne izvrši sve obaveze predviđene Nastavnim planom i programom u okviru određene nastavne oblasti ili modula, istom se pruža prilika da navedeno gradivo savlada, te da stečeno znanje prezentira na popravnom ispitu. Pri tome, student može polagati u narednom semestru onoliko predmeta koliko je u tom semestru predviđeno.

Student može ponovo pohađati nastavu iz najviše dva predmeta iz prethodnog semestra kada se nastava ponovo organizira iz tih predmeta u okviru nastavnog procesa u narednoj akademskoj godini.

Ukoliko student nije izvršio obaveze iz više od dva predmeta ili 10 ECTS smatra se da ne može dalje pohađati nastavu u tekućoj akademskoj godinu (ako drugačije nije regulisano Statutom te posebnim odlukama Senata), te mu se status studenta nalazi u mirovanju do naredne akademske godine.

3. Predmeti ili kolegiji

Nastavni predmeti utvrđeni Nastavnim planom i programom dijele se na obavezne i stručno-izborne.

U obavezne predmete ili kolegije spadaju svi predmeti iz pojedinih nastavnih oblasti ili modula studija, koji su utvrđeni Nastavnim planom i programom. U Nastavnom planu i programu nude se izborni predmeti po semestru, od kojih NNV Pravnog fakulteta, na početku akademske godine, u skladu sa važećim općim pravnim aktima, određuje dva, odnosno tri izborna predmeta od kojih student bira jedan. Na listi izbornih predmeta iz postojećeg Nastavnog plana i programa uzimaju se predmeti, koji proširuju osnovnu oblast izučavanja dopunskim sadržajima na posebno zanimljiv i pristupačan način. Na listi izbornih predmeta nalaze se predmeti koji mogu obogatiti i proširiti znanja iz osnovnih predmeta, te predmeti koji mogu unaprijediti praktične vještine i kompetencije studenata neophodne za samostalno bavljenje pravnom profesijom. Izborni predmeti za koje se student putem ankete odluči postaju za njega obavezni predmeti. Ove predmete student bira uz konsultaciju sa predmetnim nastavnikom prema svojim studijskim interesovanjima.

4. Fond nastavnih sati

U okviru nastavnog procesa predviđen je ukupni fond opterećenja od 40 sati sedmično. Od toga fond nastave iznosi 25 kontakt-sati tokom svake sedmice u okviru jednog semestra, koji je uzet kao osnovna mjera za savladavanje nastavnog gradiva tokom cijelog studija.

U jednoj akademskoj godini nastava se organizira u dva semestra, zimski semestar traje od početka oktobra do početka januara slijedeće kalendarske godine, a ljetni semestar od sredine februara do početka juna kalendarske godine. Ukupan fond nastave iznosi 44 sedmice godišnje, a od toga se u svakom semestru planira 15 sedmica tokom kojih student prati nastavu u vidu predavanja (P), vježbi (V) i seminara (S). Preostalih 14 sedmica predviđeno je za održavanje dopunske nastave u vidu grupnih i individualnih konsultacija, dovršavanja pojedinih studijskih obaveza, te završnih ispita, kao i pauza između semestra. U okviru nastavnog procesa organiziraju se i konsultacije, rad u biblioteci fakulteta, individualno i grupno sudjelovanje u stručnim i naučnim projektima ili istraživanjima, kao i drugi povremeno organizirani oblici nastave.

Prisustvo nastavi je obavezno i o njemu se vodi evidencija na osnovu koje student, po odslušanom semestru dobija potpis od predmetnog nastavnika. U toku semestra student može neopravdano odsustovati najviše 20% od ukupnog fonda sati nastave u pojedinom predmetu, odnosno tri (3) puta u toku semestra iz jednog predmeta. Student koji neopravdano izostaje sa nastave više od tri (3) puta u toku semestra neće dobiti potpis, a time gubi mogućnost da pristupi završnoj provjeri znanja. U formalnom i stvarnom smislu student na taj način gubi semestar koji je upisao, te se mora pismeno obratiti Naučno-nastavnom vijeću s molbom da ponovi taj semestar još jednom u toku studija.

5. Druge studijske obaveze

U toku trajanja nastave od studenata se očekuje, osim urednog pohađanja svih vidova nastave, i slijedeće:

- aktivno učešće na satu u vidu usmenog postavljanja pitanja i/ili nuđenja odgovora u okviru obrađivane nastavne jedinice;
- davanja usmenog i pismenog doprinosa kod izvođenja vježbi;
- sudjelovanje u diskusiji o pojedinim temama u okviru seminara;
- izrada domaćih zadaća u predviđenim rokovima;
- jednostavnija istraživanja na zadanu temu kroz sekundarne izvore u biblioteci korištenjem multimedijalnih nastavnih sredstava, uključujući i pretraživanje web stranica na internetu, te njihovo prezentiranje na satu, te
- izrada individualnog seminarskog rada kraćeg obima (7-9 stranica teksta, ili do 2.500 riječi), ili sudjelovanju u radu grupe od 2-3 studenta na izradi većeg seminarskog rada (10-12 stranica teksta, ili do 5.000 riječi).

6. Provjera znanja

Predmetni nastavnik je dužan u prvoj sedmici početka nastave upoznati studente sa silabusom nastavnog predmeta, odnosno rasporedom realizacije nastavnog programa po sedmicama, literaturom, predviđenim oblicima aktivne nastave (predispitne obaveze) i načinom njihovog vrednovanja, karakterom i sadržajem ispita, strukturom ukupnog broja bodova i načinom polaganja ispita i formiranja ocjene. Također, nastavnik je dužan da po završetku nastave obavijesti studenta o ukupnom broju bodova, koje je student ostvario realizacijom predispitnih obaveza

U okviru trajanja nastavnog procesa mogu se organizirati redovne provjere znanja u vidu pismenih i/ili usmenih testova, kolokvija ili drugih vidova ispitivanja, i to najmanje dva puta u semestru. Studenti su obavezni pristupiti svim provjerama znanja.

Prva redovna provjera znanja se, u pravilu, obavlja nakon prvih sedam odslušanih sedmica nastave, a druga nakon drugih sedam odslušanih sedmica nastave. Ove provjere znanja se mogu prihvatiti i kao kumulirani pismeni ispit ukoliko postignuti rezultat nakon obje provjere bude pozitivan, te za svaku pojedinačnu provjeru bude iznosio najmanje 60% u ukupnoj vrijednosti od 100% predviđenog i/ili traženog fonda znanja i vještina. Student koji ne ostvari ovaj rezultat ili koji želi da postigne veću ocjenu od one koju je stekao na ovaj način, ima mogućnost pristupiti završnoj provjeri znanja u redovnom roku, koji se organizira najkasnije sedam dana nakon završene 15. sedmice nastave. Organizacija i raspored ispita treba biti prihvatljiv za sve kategorije studenata (uključujući, ali se ne ograničavajući na studente sa posebnim potrebama, studente koji dolaze iz udaljenih područja, studente koji su u radnom odnosu i dr.)

Završni ispit se polaže u pismenoj, usmenoj ili praktičnoj formi, odnosno kombinacijom najviše dva od utvrđenih oblika, a polaže se, u svakom pojedinačnom slučaju, na način definisan silabusom. Ispitu može pristupiti student koji je zadovoljio sve silabusom propisane nastavne obaveze, te se blagovremeno prijavio za

polaganje završnog ispita, odnosno najkasnije tri (3) sedmice prije nego što će se ispit održati, a prema objavljenom akademskom kalendaru. Rezultati pismenih ispita iz svakog ispitnog roka se čuvaju do slijedeće školske godine.

Postoje slijedeći ispitni rokovi:

1. januarsko-februarski ispitni rok
2. aprilski ispitni rok
3. junsko-julski ispitni rok
4. septembarski ispitni rok

Ispiti se održavaju, u pravilu, na fakultetima, u prostorijama navedenim u rasporedu za polaganje ispita. Student je obaveza pristupiti završnoj provjeri znanja u vrijeme i prostoriji koja je blagovremeno označena kao mjesto polaganja ispita. Prilikom polaganja ispita, identitet studenta se utvrđuje indeksom. Javnost polaganja ispita obezbjeđuje se objavljivanjem vremena i mjesta održavanja ispita. Polaganju ispita, ukoliko je to moguće, mogu prisustvovati zainteresovani studenti. Ispitu, pored studenta i predmetnog nastavnika/saradnika obavezno mora prisustvovati najmanje još jedna osoba iz reda studenata, nastavnika ili saradnika.

Dužina trajanja pismenog dijela ispita određuje se na bazi obima nastavnog programa, s tim da ne može trajati kraće od jednog, niti duže od tri školska časa. Rezultati pismenog dijela završnog ispita moraju biti objavljeni najkasnije petnaest dana od dana održavanja ispita. Ukoliko se završni ispit polaže samo u pismenoj formi, rezultati ispita moraju biti objavljeni najkasnije sedam dana od dana održavanja ispita. Rezultati ispita su također javni, a student ima pravo uvida u ispitnu dokumentaciju. Pismeni radovi sa ispita se čuvaju do kraja naredne akademske godine.

Student koji ne pristupi završnom ispitu iz nekog predmeta ili ne ostvari ukupan broj bodova dovoljan za pozitivnu/prolaznu ocjenu za neki predmet, može pristupiti popravnom ispitu iz datog predmeta, u roku koji ne može biti kraći od 4 (četiri) sedmice, računajući od dana polaganja završnog ispita u semestru. Popravni i dodatni popravni ispit izvode se na isti način, te nose isti broj bodova u ukupnoj strukturi bodovanja, kao i završni ispit za dati predmet.

Student koji ne položi ispit u redovnom, popravnom ili dodatno popravnom terminu upisuju isti ponovo, ako je iz grupe obaveznih predmeta, a ako je iz grupe izbornih predmeta upisuju isti predmet ili odabire drugi izborni predmet da bi ostvario potrebne ECTS bodove.

7. Sistem ocjenjivanja

Ocjenjivanje se vrši dodjeljivanjem bodova za svaki oblik aktivnosti i provjere znanja u toku semestra i na završnom ispitu, na kojem se utvrđuje konačna ocjena. Konačna ocjena formira se na osnovu zbira ostvarenih bodova na aktivnostima u toku nastave, predispitnim provjerama i završnom, odnosno popravnom ispitu. Ispunjenjem predispitnih obaveza i polaganjem završnog ispita student može ostvariti najviše 100 bodova, pri čemu predispitne obaveze učestvuju sa 50 bodova. Drugim riječima, u strukturi ukupnog broja bodova najmanje 50% bodova mora biti predviđeno za aktivnosti i provjere znanja u toku semestra. Završni ispit se u strukturi ocjenjivanja može vrednovati sa najviše 50% bodova.

Konačni uspjeh studenta za određeni predmet, u određenom semestru, izražava se brojnomo, opisnom ili slovnom ocjenom, kako slijedi:

- ocjena 5 (pet), opisno "ne zadovoljava", slovno "F",

- ocjena 6 (šest) opisno "dovoljan", slovno "E",
- ocjena 7 (sedam) opisno "dobar", slovno "D",
- ocjena 8 (osam) opisno "vrlodobar", slovno "C",
- ocjena 9 (devet) opisno "izvanredan", slovno "B", te
- ocjena 10 (deset) opisno "odličan", slovno "A".

Ocjene odgovaraju numeričkim pokazateljima i to prema slijedećoj ljestvici:

Ocjena	Postotak osvojenih bodova na ljestvici od 0-100	Opisna ocjena
10	94 – 100 bodova	Odličan - izuzetan uspjeh sa neznatnim greškama
9	84 – 93 boda	Izvanredan - iznad prosjeka, ali sa ponekom greškom
8	74 – 83 boda	Vrlodobar - općenito dobar rad, ali sa stanovitim greškama
7	64 – 73 boda	Dobar - solidan, ali sa značajnim nedostacima
6	54 – 63 boda	Dovoljan - zadovoljava minimalne kriterije
5	0 – 53 boda	Ne zadovoljava - potreban dodatni rad za uspješno polaganje ili znatno više rada za okončanje obaveza

Ukoliko student ne ostvari potreban broj bodova u ukupnoj strukturi bodovanja, odnosno ne dobije pozitivnu/prolaznu ocjenu od šest (6) i više, smatra se da nije ostvario ECTS kredite za dati predmet. Ukoliko, pak, student ostvari ocjenu šest (6) i više, smatra se da je ostvario ECTS kredite za dati predmet.

Konačnu prolaznu ocjenu predmetni nastavnik upisuje u ispitnu prijavu i u indeks, što ovjerava svojim potpisom. Nastavnik je dužan predati ispitnu prijavu Studentskoj službi fakulteta najkasnije tri dana nakon obavljene provjere znanja, radi uvođenja u matičnu evidenciju.

Predmetni nastavnici i saradnici vode trajnu evidenciju o provedenim ispitima u spiskovima prijavljenih studenta, te putem elektronske evidencije. U evidenciju i druge isprave studenata unose se prolazne ocjene: 10, 9, 8, 7 i 6. Ocjena nedovoljan (5) neprolazna je i upisuje se samo u evidenciju, ali ne i u druge isprave studenta.

8. Pravo prigovora na sistem ocjenjivanja

Student ima pravo uvida u sve pismene provjere znanja sa ispita, u za to predviđenim terminima, te s tim u vezi ima pravo prigovora na objavljivanje rezultata ispita. Prigovor na rezultate ispita se podnosi dekanu, u pismenoj formi u roku od 24 sata, računajući od trenutka objavljivanja istih.

Dekan razmatra prigovor studenta i donosi rješenje kojim odlučuje o zahtjevu studenta, u roku od 24 sata od prijema prigovora i isto oglašava na oglasnoj ploči Pravnog fakulteta.

Ukoliko se usvoji prigovor studenta, student polaže ispit pred komisijom u roku od 24 sata računajući od dana donošenja rješenja, a izuzetno u roku od 7 dana, ukoliko je predmetni nastavnik gostujući profesor.

